


Kusi Ong-gipa Bia Ka-ani Chabirang



Amazing Facts
Poraiani

5

Skango jikse ong-anio
neng-nikanirang,
be-gimin ku-rachakanirang, aro dedrangrangni
jajaanio ong-anirangan - jikse galgrikani dukrang
ong-a. Nang-ni nokdangna indakgipa obostao
ong-na on-nabe! Nang-ni nokdang ragkipa
somoirangko ba bia ka-e donganio kusi ong-aniko
man-oba – ba na-a bia ka-e dongani gimin
chanchiengode – Sastro nang-ni nokdangna
baigipa sakki gngangipa dakchakaniko on-a.
la ku-pattiani Isoloni ong-a, jean bia ka-aniko
ong-ataha aro songaha! Na-a pilak gitan jotton
ka-ahaode, maina Una cholko on-e nija?



Kusi ong-gipa nokdangna rokomchisni chabirang:

1

Na-a an-tangni noktango dakbo.

“Iani gimin mande an-tangni paako aro ma-ako wate jiktang baksa dongrimgen, aro uamang be-ensan ong-gen” (**Abachenga 2:24**).

Talatani: Isolni niamde indake ong-a je bia ka-gipa
jora ma-a paani nokoni jitna nanga aro an-tangni nokko
rikna nanga, tangka paisarango neng-nikani ong-oba,
kuturi ge-sakode rikbo. Segipa aro jikgipa iani gimin
damsan chanchianiko dakna nanga, aro saobarang
jegaloba chanchianio kimkim ong-na nanga. Bang-a bia
ka-gipa nokdangrang iako simsake ja-rikgenchimode
namdapaniko dakna man-gen.



2

Na-simangni nangrimaniko dakangkubo!

"Pilakna skang na-simango ka-sagrikbea ong-bo; maina ka-sara bang-a paprangko pindapa" (1 Pitor 4:8). "Uni segipaba uko indine de-mitela" (Toe Skianirang 31:28).

"Indiba kimgipa me-chik ... ua maikai segipako namnikatna man-gen" (1 Korinthirangna 7:34).

"Jongadarangna kasaao kasagrikgiparang ongbo ..." (Romrangna 12:10).


Talatani: An-tangnirangko am-anichide ka-saani aro kusiniko man-na amja, indiba uarangko sakgipinrangna on-anichisa man-na ama. Uni gimin man-a dipetde gisik nangan baksa bakrime dakbo. Gisiko nanga gnang saksa sakgipinko mande ra-grikbo. Dikdiksana neng-takbo, re-rame robo, nianirangko nibo, aro damsan cha-rimbo. Chongipa ka-sae dakani, didiatani ong-gipako nikchangnabe. On-anirangko dake ba dakchakaniko on-e saksa sakgipinrangko jagokatbo. Saksa sakgipinna ka-sana jotton ka-bo. Na-simangni jikse ong-aoniko mamungkoba ra-ongkatna jotton ka-nabe. Ka-saani komianian jikse ong-aniko gimaatgipa dal-batgipa ong-a.



3

Isolsa nang-ko bia ka-anio damsan ong-ataha ine gisik ra-bo.

"Iani gimin mande ma-ako aro paako wate, an-tang jikgipamung ma-gapgen; aro uamang sakgni be-ensan ong-gen. Uni gimin Isol jeko nangrimataha, uko mande ekgrikatjachina" (Mati 19:5, 6).



Talatani: Ka-saaniara nang-ni nokoni gimaangengahama? Daibol dakmajoanichi nang-ni bia ka-aniko watgalchina nangnikenga, indiba Isol An-tangan bia ka-anio nang-ko damsan ong-ataha ine gisik ra-bo, aro Ua nang-ko damsan aro kusi ong-e dongchina nangnikenga. Na-a Uni ge-etanirangna bamode aro maniode Ua nang-na kusi ong-aniko aro ka-saaniko ra-bagen. "Isolna pilakan amani ong-a" (Mati 19:26). Na-a ka-donggija ong-nabe. Na-a Uo bi-ode aro Uko re-bana onode Isolni Gisik nang-ni ka-tongko aro nang-ni jikgipani ka-tongko dingtangatna man-a.

4

Nangni chanchianirango Nitimbo.

"Maina gisiktango uni chanchia gitan ua onga"
(**Toe Skianirang 23:7**). **"Naa nangni**
songsulni jikgipana mikboknabe"

(**Reongkata 20:17**). **"Nang-ni pilak rakkianirangna**
bate ka-tongtango rakkibo; maina uanonin janggini
ong-katanirang ong-a" (**Toe Skianirang 4:23**). **"Jerang**
bebe ong-a, jerangan mikchikima, jerang kakket, jerangan
rongtala, jerangan namnikani, jerang nama inani ... iarango
chanchibo" (**Philippirangna 4:8**).

Talatani: Ong-gija dake chanchianirang bia ka-e nokdang rikaniko namgija ong-atna man-a. "An-chingni bia ka-anide gualbeani ong-aha" "Ua (me-chik) angko ma-sichakja, "angade iana batede chakchikna man-jawa" "Chinga nanggenchimode kal-grikna man-a," "Anga nokchi re-ange ma-gipana agangen," ba "Ua ua me-chikna ka-dingsmitgen" indake diabolde nang-ko tol-napagen. Indakgipa chanchianiara kenanong ong-ronga maina nang-ni chanchianirang bon-chotaode nang-ni kamrangko sason ka-skagen. Iandakgipa nikanirang, aganani, poraiani, ba knaanirango – ba bebegijagipa mande baksa bakrimaniko gelbo. Sason ka-na man-gijagipa chanchianirangara gariko a-silang dagkipa a-brio rakrika donggija dake Watataranggita ong-a; uni bitede namjabegipa gimaaniona sokatna man-a.

5

Saksa sakgipinko ka-o nanggrike palang ona tusina re-angnabe.

"Na-simangni ka-gapmitingo sal napjachina"
(**Ephesurangna 4:26**). **"Uni gimin saksa**
sakgipinna parango kurachagrikbo"

(**Jakob 5:16**). **"Ja-manchi donggiparango gisik**
ra-gija" (**Philippirangna 3:13**). **"Na-simang batesa**
rinok rinok dagkrikbo, ka-saningbo, aro Kristoo
Isaol maikai na-simangko wataha, na-simangba
uandake watgrikbo" (**Ephesurangna 4:32**).

Talatani: Dal-a ba chona neng-nikanirangni aro saknaanirangni kosako ka-o nangkame donganiara namen kenbeani ong-a. somoi gita namatna manjaode, chonbegipa neng-nikaniba indaken ong-chongmota ine chanchiani nang-ni gisiko dongkamgen aro nang-ni janggi tanganiko namgijao ong-atna man-a. Uni giminsa Isol nang-ni ka-o nanganiko palango tusina skang namatbo ine aganaha. Kema ka-bo, "anga gualaha" ine aganningna bakbakbo. Maina, darangba chu-sokgipa ong-na man-ja, aro na-simang sakgnian apsan dolo ong-a, uni gimin ka-sachakbo, aro na-a gualaniko dakahaode una ku-rachakani dakbo. Unbaksana, ong-ronggija bilrang baksa namgrikaniko dakaniana namen namgipa ong-a, jean bia ka-gipa jorako sepangbate damsan ong-atna dakchaka. Isol iako dakchina ku-pattian! lan kam ka-a!

6

Nang-ni nokdango Kristoko Mongsonggipa ong-e donbo.

“Jihova nokko rikjaode, uko rikgiparang kam ka-gramaia” (**Gitrang 127:1**). “Nang-ni pilak re-anio uko ku-rachakbo, aro ua nang-ni ramarangko srongatgen” (**Toe Skianirang 3:6**).

“Unon pilak u-iana batgipa Isolni tom-toma Kristo Jisuo na-simangni ka-tongrang aro chanchianirangko rakkigen” (**Philippirangna 4:7**).



Talatani: lan chong-motte dal-batgipa niam ong-a, maina iachisan pilak gipinrangkoba chu-sokatna man-a. Nokdango kusi ong-na nangchongmotanide neng-nikanirangni kosako gisik seng-e dakachi aro kam ka-achi ong-ja, indiba Kristo baksa bakrimanichisa ong-a. Kristoni ka-saani baksa ka-tongrang gapatako man-ahaon ru-uta somoina dingtanganiko ong-atja. Nokdango Kristo dongon, bia ka-aniara dal-bate chu-sokna man-a. Ka-onangani aro ka-donggija ong-aniko Jisu su-srange ka-saani aro kusi ong-aniko ong-atskana man-a.

7

Damsan Bi-rimbo.

“Na-simang dakmajoao napjana gita mikrakbo, aro bi-bo. Gisikde ska, indiba be-en bil gri” (**Mati 26:41**). “Saksa sakgipinna

bi-grikbo” (**Jakob 5:16**). “Indiba na-simangoni saniba u-iani sokjaode, ua pilakna on-ninggipa aro manenggija Isoloniko bi-china” (**Jakob 1:5**).

Talatani: Saksa sakgipinna bigrikbo! lan namgipa kam onga jean nangni bia kae donganiko nangni niksamsoani nalsaonaba chusokna dakchakgen. Isolni mikkang ja-sku dipanbo aro saksa sakgipinna chong-motgipa ka-sagrikna, kema ka-grikna, bilko man-na, gisik gnanganiko Uoniko am-bo – jean neng-nikanirangko namatna man-gen. Isolan aganchakgen. Na-a pilak dagualsretaoniko namatna amja indiba Isol nang-ni ka-tongko aro kamrangko dingtangatna bilake napbana man-gen.



8

Jikse galgrikaniara aganchakani ong-ja ine ma-sigrikbo.

"Uni gimin Isol jeko nangrimataha, uko mande ekgrikatjachina" (Mati 19:6). "Til-ekana agre jiktango gale sakgipinko kimgipa; aro galgimin me-chikko kimgipaba til-eka" (Mati 19:9). "Maina me-chik tangenggipa segipana niamchi kaa gnang" (Romrangna 7:2).



Talatani: Sastro agana je bia ka-e nangrimataniko pe-e galna man-ja ine miksonga. Til-ekanionsanmangmang jikse galgrikaniko dakna on-a. Indakoba, iako dabija. Kakkegijani dongoba, kema ka-grikanian jikse galgrikana batede nambatkua.

Jensalo Isol skanggipa biani kaaniko changna Eden barrio songchengahaon, iako Ua janggi tanga gimikna dakaha. Uni giminsa, bia ka-anio saksa sakgipinna ku-mikchetgrikaniara rongtalgipa kaani ong-a. Indiba gisik ra-bo, bia ka-e donganiko Isolni miksonganiana an-chingni janggi tanganiko de-dona aro pilak gitan an-chingni nanganiko man-na miksongani ong-a. Jikse galgrikaniko gisiko donkamaniara nang-ni bia ka-aniko gimaatna miksonganisan ong-aigen. Jikse galgrikaniara pangnan gimaatani kamsan ong-a aro neng-nikanina mamungba namatni ong-ja; uni palo, batesa neng-nikanirangko bang-batata – tangka paisao neng-nikanirang, dedrangrangko duk ong-ata, aro gipinrang.

9

Nokdangko namedake rakkibo.

"Na-a til-eknabe" (Reongkata 20:14). "Uni segipani ka-tong uo ka-donga; aro segipao man-dapani gri ong-jawa" (Toe Skianirang 31:11, 12). "Maina nang-ni aro nang-ni panteni jikni gisepo, uan nang-ni ripeng aro nang-ni ku-monggrikani niamchi jikgipa ong-oba, na-a una nampinike dakaha ine Jihova saki on-gipa ong-aha" (Malaki 2:14). "Uni nitoana nang-ni ka-tongo mikboknabe, aro mikilrangchi an-tangko rim-na on-nabe. Mande an-tangni ka-bako wa-al gatenba uni ba-ra kamgija ong-genma? Sakgipinni jikgipaona napgipa uandaken ong-a; uko dangtappipa pilakan dokako man-ani gri ong-jawa" (Toe Skianirang 6:24, 25, 27, 29).



Talatani: Nokdangni neng-nikanirangko mamungsaloba nang-ni nokni a-palchi sakgipinrangna sualnabe ba nang-ni ma-a paarangnaba sualnabe. Je mandean bia ka-gipa nokdangni nalsaoni ong-a aro neng-nikanirangko knara ba ka-sachakaniko daka diabolchi jakkalako man-e segipa aro jikgipani ka-tongrangko chel-atgen. Nang-ni nokdangni neng-nikanirangko an-tangarin namatbo. Pamong ba bia ka-anina agankupatigipana agrede, darangkoba bakko ra-na on-nabe. Pangnan saksa sakgipinna kakket ong-bo, aro mamungkoba sriksrik donunabe. Nang-ni jikgipani chanchina man-ana batpile agan ba-leke ronabe aro bilaken saksa sakgipinko chelchakgrikbo. Til-ekaniara pangnan nang-ko aro nangni nokdangni sakantikon sa-dikatgen. Isol, jean an-chingni gisik, be-en, aro chanchianirangko ma-sigipa ong-a

indine agana, “Na-a tileknabe” (**Reongkata 20:14**). Mikchagrikaniko Abachengahaode, bakbakan watgrikbo – ong-jaode jagring nang-ni janggi tangani kosako pindapgen jekon altuede ra-galna man-jawa.

10

Isol ka-saaniko talataniko daka; uko salantio nang-ni miksongani dakbo.

“Ka-sara chakchika, rinok rinok daka; ka-sara miknengja, gaorade-ja, gangbingja, nitogijja dakja, an-tangnirangko amja, ka-onangja, namgijako chancha; toRomrangna ong-gijanio katchaja, indiba beboo katchaa; pilakkon chaka, pilakkon bebero-a, pilakkon ka-donga, pilakkon chakchika” (**1 Korinthirangna 13:4-7**).

Talatani: Sastroni kattarangan dal-batgipa Isolni ka-saako talatgipa kattarangoni mingsa ong-a. Uko poraitaitaibo. Na-a ia kattarangko nang-ni nokdango janggi tanganio bak ong-atahama? Chong-motgipa ka-saanide gisiko nabaramram ka-saani ong-ja, indiba ian rongtalgipa niam ong-a jean nang-ni pilak bia ka-e janggi tanganio bakrimani donga. Chong-motgipa ka-saani baksa, nang-ni bia ka-e nokdang rikaniara chu-sokgipa ong-gen; ia gride, bia ka-aniara bakbakan chu-sokgijanio ong-ejen.

11

Matnanggrikani aro kajia ka-e roanirang ka-saaniko gimaatgen ine gisik ra-bo.

“Segiparang, jiktangtangna ka-sabo, aro uamangna ku-sia ong-nabe”

(**Kolosirangna 3:19**). “Jegrikgipa aro dipet dipet ingipa me-chik baksa dongana bate, a-gisio dongan nambata” (**Toe Skianirang 21:19**). “Mikka wabemitingo tingtotthagipa, aro gisigipa me-chik apsan” (**Toe Skianirang 27:15**). “Aro nang jongadani mikrono donggipa bisemsemko maina nia, indiba mikrono donggipa bilbangko chanchija” (**Mati 7:3**). “Ka-sara chakchika, rinok rinok daka; ka-sara miknengja, gaorade-ja, gangbingja” (**1 Korinthirangna 13:4**).

Talatani: Nang-ni ripengtanganiko dosiko am-rikite, matnange, kajia ka-aniko dontongbo. Nang-ni jigkipa ma-sianio kominaba donga, indiba dosiko am-e matnanganiao dakchakani man-jawa. Chu-sokgipa ong-na ka-donganiara nang-na aro nang-ni jigkipana batesa meligrikgijanio ra-bagen. Gualanirangchipakko niatnabe batesa namanirangko am-bo. Nang-ni ripengtango gital daktaiatna, sasono donna ba drae maniatna jotton ka-nabe ong-jaode na-a ka-saaniko nosto ka-gen. Isolsanmangmang manderangko dingtangatna mana. Ka-dingsmitani, kusi ong-gipa ka-tong, ka-saani kamrang, chakchikani, aro ka-saanichi bang-a nang-ni nokdangni neng-nikanirangko gimaatna man-gen. namako dakana bate nang-ni jigkipako kusi ong-atbo, aro namaniara an-tangko simsakaigen. Nokdango rikanio chu-sokagipa ong-anide kragipa ripeng man-anio ong-ja, indiba kekketgipa ripeng ong-aniosa pangchaka.



12

Jekoba duga daknabe: krae dakbo.

"Susagrigipa sakanti pilakni gimin an-tangko rakkia" (1 Korinthirangna 9:25). "Ka-sara an-tangnirangko am-ja" (1 Korinthirangna 13:4, 5). "Uni gimin nasimang chaoba, ringoba, jekoba dakoba, pilakkon Isolni rasongna dakbo" (1 Korinthirangna 10:31). "Indiba anga antangni beenko doka, aro uko nokol gita bamata" (1 Korinthirangna 9:27). "Saoba gamna sikjaode, ua cha-aba cha-jachina: (2 Thessalonikarangna 3:10). "Kima pilakon mandera-ani aro turimani marang gri ong-china" (Ibrirangna 13:4). "Uni gimin be-enni skarangko manina, na-simangni signi be-eno pamong ong-na on-nabe aro otoromni silchidare ine papna na-simangni be-enni bakrangko on-nabe" (Romrangna 6:12, 13).



Talatani: Dugaa kam ka-ani nang-ni nokdangko rusigen. Uni gimin krae dakbo. Isol baksa somoiko ra-bo, kam kabo, ka-sabo, neng-takbo, be-enko ranta ka-bo, kal-grikbo, cha-aniko cha-bo, aro nokdangko rikanio manderang baksa melie nangrime dongbo. Dugaapile kam ka-ani, aro neng-takna man-gijani, namedake cha-gijani, aro be-enko ranta ka-na man-gijani, chakchikna man-gijani, aro ong-gija dake chanchianirang mandeko neng-nikaniona dilanggen. Sastroo jikse ong-anio krae nangrimanikoba dakhina ku-pattianiko daka (1 Korinthirangna 7:3-6) maina cholono ong-siani aro an-tangko rakkina man-gija dake nangrimanirang saksa sagkipinna ka-sagrikani aro mandera-grikaniko

nosto ka-na man-a. Mandeska baksa nangrime donganiara nangchongmotani ong-a; chong-motgipa kusi ong-aniko a-te dake donganio nikna man-jawa. An-ching ka-dingna, aro nama somoirango katchana skie ra-na nanga. Pilak somoion jringipa gisiko chanchianiara kenaniko ong-atna man-a. Dugaa ba chu-onggija dake kam ka-aniara gisikko, be-enko, chanchiako, aro saksa sagkipinna ka-sagrikani aro mandera-grikaniko bilgriata. An-tangko rakkina man-gijanichi nang-ni nokdangko nosto ka-na on-nabe.



13

Saksa sakgipinni dakna man-ani bilrangko aro paltangni nanganirangko mande ra-bo.

“Ka-sara chakchika, rinok rinok daka ... ka-sara miknengja ... ka-sara gangbingja, an-tangnirangko am-ja ... toRomrangna ong-gijanio katchaja ... pilakon bebera-a, pilakon chakchika” (1 Korinthisrangna 13:4-7). “Jongadarangna ka-sao ka-sagrikkiparang ong-bo; rasong chaatao saksa sakgipinna skange” (Romrangna 12:10).



Talatani: Segipa aro jikgipa sakantion Isolni on-gimin paltangni dakna man-ani donugimin bilrang donga. Saksa sakgipinni tangka chipgipa bagko, aro paltangni emailko kal-ake ronabe, aro hukumko man-jaskalde sakgipinni bosturangko kal-aknabe. Mande ra-grikosa paltangni bilko an-tangni nanganina jakkalna man-a. Nang-ni segipa ba jikgipa basakoba somiode ong-gija dakanio ong-ena man-a. Bia ka-gimin jorarang

mamungkoba an-tangtangna kange ra-nabe aro an-tangtangko dingtang ong-ataniona ra-bana dranabe. Isolsan indakgipa dingtangatanikode ra-bana man-a. Kusi ong-nade saksa sakgipino ka-dongchakna aro bebera-gipa ong-na nanga, uni gimin pangnande saksa sakgipinni kosako sandianiko daknabe. Nang-ni segipa ba jikgipani gimin mesoke on-naniko dakna bang-gija somoiko ra-bo aro bang-bate saksa sakgipinko namnikatnasa somoiko ra-batbo. lan aiao inmanpile kam ka-na man-a.

14

Rongtalbo, gaoradaknabe, tiktak dakbo, aro kamtangko kakket ka- bo.

“Uandake me-chikrang kratchanika aro gisik naman baksa, nito gana chinanichi an-tangtangko nitoatchina” (1 Timothy 2:9). “Ua an-tangni jakrangchi namnike kam ka-a ... ua walengpition chakate, noktangni manderangna cha-aniko aro an-tangni nokol me-chikrangna daka nanga kamko on-a ... ua an-tangni nokni manderangni ong-anirangko namedake niroka; aro aratani cha-aniko cha-ja: (Toe Skianirang 31:13, 15, 27). “An-tangtangko rongtalatbo” (Isaia 52:11). “Indiba pilakan krae aro namedake ong-china” (1 Korinthisrangna 14:40). “Indiba saoba an-tangnirangna, mongsongde an-tang nokni manderangna, chanchisojaode, ua bebera-ako jechakaha, aro bebera-gijagipana bate namjabata” (1 Timothy 5:8). “Maikai na-simang ka-singiparang ong-jawa” (Ibrirangna 6:12).



Talatani: Aratatanichi aro bildingbildang ong-atanichi diabol nang-ni saksa sakgipinna mandera-aniko aro ka-saaniko nosto ka-a aro indake nang-ni nokdangna saknaaniko ong-ata. Kragipa ganani chinani aro rongtalani, be-en bimangtangko namedake rakkianian segipa aro jikgipana nangchongmotani ong-a. Sakgnian nokdango tom-tomaniko ong-atna simsakna nanga, maina iasa tom-tomaniko ra-bagen. Aratgipa segipa ba jikgipa jean nokdangna mamungkoba dakja nokdangna namgijako ra-bagen aro Isolko ka-onangata. Saksa sakgipinna pilakkon dakaniara simsakani aro mandera-anibaksa dakna nanga. Chonbea kamrangko simsakgija dakanichi chansokgija nokdangrangko bak dakaniona ong-ataha.

15

Rinok rinok dake ka-sae aganna miksongbo.

"Rinokgipa aganchakani ka-onanganiko pil-angata; indiba ga-nanggijagipa kata ka-onangako batata" (Toe Skianirang 15:1). "Nang-ni ka-sagipa jikgipa baksa katchae dongbo" (Aganprakgipa 9:9). "Anga mande ong-ahaoa anga bi-sanirangko wataha" (1 Korinthirangna 13:11).



Talatani: Nang-ni segipa ba jikgipana, jeigrikani somoioba, pangnan rinok rinok dake aro ka-sae aganjringbo. Ka-o nangani, neng-gokani, ba ka-beani somoio chanchianiko dakaniara ka-dongchakgijaniko ong-ata, uni gimin agangrikna skang jrip dong-anian aro ka-onanganiko ka-sinatanian nambatgipa ong-a. Aro na-a jensalo agananiko dakon, ka-saani baksa ka-sae aganani ong-china. Rakgipa, ka-onangani kattarang nang-ni jikgipa ba segipani nang-ko namnikatna skaniko nosto ong-ata.

16

Tangka Paisarangko Simsake Jakkalbo.

"Ka-sara miknengja, gaorade-ja, gangbingja ... an-tangnirangko amja" (1 Korinthirangna 13:4, 5). "Maina Isol ka-sroke on-gipana ka-sara" (2 Korinthirangna 9:7).

Talatani: Nokdano tangka paisa man-aniko jikgipana suale on-na nanga jedakode nokdangna nangnikani gita aro nangani kri koros ka-na man-gen. Dingtang Bank Accountko kulianiara ning-tue ka-dongchakgrikna man-ani cholko chel-ata, jean an-senggipa nokdangko rikna nangchongmotani ong-a. Tangka paisa jakkalanide dolsan ku-monge kam ka-ani ong-a. Sakgnian bak ra-na nanga, indiba saksade dingtangmancha dake daitoko ra-na nanga. Tangka paisa jakkalanide mandeni dakna man-ani bilrango pangchaka.





17

Pilakkon parakgrike saksa sakgipin baksa agangrikbo.

"Ka-sara chakchika; miknengja; gaorade-ja, gangbingja" (1 Korinthisrangna 13:4).

"Manengako jechakgipa janggitangkong chonnika" (Toe Skianirang 15:32). "An-tangni nikanio gisik gnanggipa ine na-a mandeko nikama Uona bate, gisik seng-gijagipao ka-dongbatani gnang" (Toe Skianirang 26:12).



Talatani: Adita dakna nanganirang nang-ni nokdangna mongsonggipa chanchianiko parake dakana batede bilakdabatgen. Kam kaaniko dingtangtani, dam rakbegipa maiba bostuko breani aro janggi tanganio chanchie dakna nanganio segipa aro jikgipa sakgnian bakko rana nanga – aro chanchianirango dingtanggrikanikoba mande ra-na nanga. Damsan ku-monge chanchianirango dakaniara bang-a gualanirango chel-atna dakchakgen jean nokdangko ta-raken bilgriatna man-a. Chanchianirango dakani ja-mano aro gisiko nange bi-ani ja-manoba, agananirang dingtangrikkuode, jikgipa segipani chanchianina bame on-na nanga, jean segipani jikgipana ning-tugipa ka-saanichi aro an-tangni jikgipana namgniko dakanichi gisik nangatna man-gen. **Ephesurangna 5:22-25** ko nibo.

18

Na-a nang-ni nokdangko Isolni An-tangna chanchigijaniko, on-kanganiko, aro nang-na ka-saaniko teng-suchakatna skama?

Nang-ni Aganchakani:

Nang·ni Sing·anirangna Aganchakaha

1. **Bia ka-gipa badia jora jegrikaniko dakani ja·mano tom·tomataniko skanggipa dakchengna nanga?**

Aganchakani: Jean kakket ong·anio ong·a.

2. **An·chingni nokdangni chanchianirangko dakanio obite niotangrangna peng·panganiko dakna niam uano dongama?**

Aganchakani: Oe donga! Na-simangni depante ba demechikni nokdangko jiksesean ku-pattianirangko am·ja skalde peng·pengna nangja. **(1 Thessalonikarangna 4:11 ko nibo).** Bang·a nokdrangran Jean a-gilsako chonggipa salgi ong·genchim o-bite niotangchi nosto ong·atako man·rongaha. O-bite niotangni dakna nanganide pilak chanchianirangko gitalgipa nokdang rikenggipani chanchianio donna nanga.

3. **Angni segipa ba jikgipade toRomrangna gri janggi tanggipasa, aro angade Kristian ong·na jotton ka-enga. Uni kamde namen namja. Angara uko galboma?**

Aganchakani: Ong·ja! **1 Korinthirangna 7:12-14 aro 1 Pitor 3:1, 2** ko poraibo. Isol dintangmancha dake aganchakaniko daka.

4. **Angni jikgipade sakgipin mande baksa seke katangjok. Daode ua gisik pile, nokona rebana skenga. Angni pamongde uko ra-pilna nanga ine angna aganaha, indiba Isolde iako dakchajachina beng·a, Uara beng·bebeama?**

Aganchakani: Ong·ja, ong·ja, beben! Isol til·ekani giminsa galchina on·aha, oe, indiba Ua uko dakchina ge·etjaha. Kema ka·anian pangnan nambatgipa ong·a aro ukosa am·rongbata. **(Mati 6:14,15 ko nibo).** Jikse galgrikanide nang·ni janggi aro nang·ni dedrangni janggirangko namen nosto ka·gen. Una cholko on·taibo! **Mati 7:12** o man·gipa niamko iano jakkalna man·a. Na·a aro nang·ni jikgipa, na-simangni janggirangko Kristoona an·pilode, na-simangni nokdangkusi ong·batgipa ong·gen. Iani ja·manchakkuja.

5. **Anga maiko dakna man·gen? Manderang pangnan angona re·baenga.**

Aganchakani: Ia chasongo me·chik ong·nade altua ong·ja maina mitam manderang an·tangtangni gisikni bilrangko sasono donna man·rongja. Jeba ong·bo, aditarangko dakna man·gen jechin na·a antangko chel·atna dakchakgen iarangara, name krae ganbo chinbo, ripeng dake golpo ka·e rona agananiko ba gisiko nangatgipa kam ka·rimanirangko gelbo. Uano dintangmanchagipa Kristian mandeni an·tangko rakkiani aro rasongko man·ani donga Jean mande uni biapo donako man·gen. Kristo indine aganaha, “Uandake manderangni mikkango na-simangni seng·a teng·suchina, maikai uamang na-simangni nama kamko nika na-simangni salgio donggipa Paako rasong chaatna man·gen” **(Mati 5:16).**

6. **Maiko ga·akgimin mandena Isol gisik pil·china ku-pattiahachim angna rongtale aganna man·genma?**

Aganchakani: Ru·uta bilsi re·angaha Kristo til·ekao rim·a man·gipa me·chikna ka·dimeatani aro ka·dongatani aganchakaniko on·aha. “Jisu ... una inaha, O mechik, uamang bao? Nang·ko pilakba matnangjahama? Ua aganaha, Pilakba gri, Gitel. Unon Jisu aganaha, Angaba nang·ko matnangja: re·angbo, da·o



intaltal papko ka-tainabe” (**Johan 8:10, 11**).

Uni kema ka-ani aro ku-pattianiko da-alonaba
man-kuenga.

7. “Dos dakgijagipa dol” ba basakobade on-tisade dosi dongpaiama?

Aganchakani: Ong-bebea. Basakobarangde “dosi dakgijagipa dolba” ka-saani komiani, gisiko nanggijani, an-tangko rongtalnikani, ka-sae dakjani, an-tangni gimin chanchiani, kajia ka-e ba ka-lake roanichi namgija chanchianirangko aro kamrangko uni segipa ba jikgipani kosako ra-bana ba ong-atna man-a. Basakobarangde “dosi dakgijagipa dolba” Isolni mikkango “dosi dakgipa” gitan dosi ong-Parape-a Isol batanggimin an-chingni kamrangko nika, an-chingni chanchianirangni kosako nie donga. “Maina mande mandeni nika gita Jihova nikja; maina mande a-palni nikaniko nia, indiba Jihova ka-tongko nia” (**1 Samuel 16:7**).

8. Isolara angko be-entangko kragija dake jakkalsretgipa segipa ba jikgipa baksa donganiko nangnikama?

Aganchakani: Be-entangko kragija jakkalsretaniara janggi tanga gimikna kenani ong-atna mana aro namjabegipa neng-nikanio ong-ata jean bakkak dakna gisiko nangataniko ong-ata. Segipa ba jikgipa aro nokdangni memberrang jerangan beenni gita saknaaniko man-eng a naljoke janggi tangna kragipa biapko am-na nanga. Segipa aro jikgipa sakgnian kragipa Kristian nokdangna ku-patgipa mandeko sandina nanga jedakode egrikataniko namatna amgen.

Nang.ni agananiko ba sing.anirangko iano sebo



01



02



03



04



05



06



07



08



09



10



11



12



13



14

Poraiani lesson 14 rangoni ia lesson sa ong-a!

Lesson prakan chong-motgipa aiao inmanirang baksa gapatako man-aha jean nang-ko aro nang-ni nokdangko dingtangtangen aro nang-na baikamgipa ka-donganiko ra-bagen.

Mingsakoba watchangalnabe!

Poraiani 01: Nang-ni Ka-dongchakna Man-gijani Uano Maiaba Dongkuengama?

Poraiani 02: Isol Diabolko Ong-atahama?

Poraiani 03: Sina Nangaoniko Jokataha

Poraiani 04: Bangbango Donggipa Mingsinggipa Songjinma

Poraiani 05: Kusi Ong-gipa Bia Ka-ani Chabirang

Poraiani 06: Rong-plengo Seaha

Poraiani 07: Itihasni Gimagimin Sal

Poraiani 08: Bon-kamgipa Naljokatani

Poraiani 09: Rongtalani & Bil!

Poraiani 10: Sianara Sibebeani Ong-ama?

Poraiani 11: Diabolara Norokko Nirok Simsakgipa Ong-ama?

Poraiani 12: 1,000 Bilsirangna Tom-tomani

Poraiani 13: An-sengbaljokanina Isolni Indin On-gipa Daksamsoani

Poraiani 14: Katta Maniara Niamko Kingkot Dake Manianima?

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna “Adobe reader” ko jakkalbo.

1. Bia ka-aniara (1)

Me-a aro me-chikko janggi tanga gimikna Isolchi nangrimatani ong-a.

Mande sakgniko kraama kraja uko dikdiksana kamchi dake niani ong-a.

Iako dakna nanganiba ong-ja. Me-a aro me-chikrang bia ka-gijaba damsan jakgitele dongna man-aia.

2. Isol jikse galaniko mingsani giminsan ra-chaka. lan (1)

Cholono apsan ong-gijani gimin ong-a.

Man-dikatgipa jikgipa ba segipani gimin ong-a Til-ekani gimin ong-a

Bia ka-gipa jora toRomrangna gri ong-ani gimin ong-a.

3. Ka-sagrikano ka-sae dakani kamrangara (1)

Janggi tanga gimikon dongangkuna nanga

Bia ka-ani ja-mano bikan watgalna nanga

Gokani Kamsa aro dakna nanganian dongja.

4. Bia ka-anio chu-sokani nambatgipa sakkide (1)

Kristoko ka-tongo aro noktango donanian ong-a.

Segipani jikgipako ritingona re-bana draani.

Jikgipani gale katna jikse galgrikaniko kenjagokatanichi.

5. Melgrikgijanirango naljokgijaniko manna, iarango dakbo: (3)

Saksa sakgipinna rinok rinok dake ka-sae aganbo.

Nang-ni jikgipa ba segipako gualaniko ku-rachakatbo.

Namgrikaniko dakna nang-ni noksulrangko okambo.

Nang`ni segipa ba jikgipako jrip dongchina drabo.

Adita salrangna nokoni re-ongkate chel-tang dongbo.

Damsan birimbo.

Tusina skangan nang-ni ka-o nanganiko namatbo.

6. Nang-ni bia ka-anio chu-sokgipa ong-na pangchakanirango basebo: (2)

Nang-ni nokdangko pilak gittamgipa dolrangni re-baaniko chipchangbo.

Nang-ni ma-a paani noko dongbo.

Kaonangon magipani nokona katangbo.

Nang-ni jikgipa ba segipani gualanirango sepangbatgipa ripengrangna agane on-bo.

Na-a an-tangni noktango dakbo.

Nang-ni gitcam me-asa ripengna ku-pattianiko ra-na chitti seatbo.

Studapani ja-manoba skanggipa changnade mamungsaloba ku-rachaknabe.

7. Nang-ni bia ka-gipa ripengko namdapatna nambatsranggipa choldo (2)

Nang-ni cholko man-janakingkingde wate katna kenatbo.

Kajia ka-e aro matnange robo.

Nang-ni nangrimaniko Jisu Kristo baksa namdapatbo

Nang-ni jora ripengko dingtang tuatbo.

Ka-sabo, mitelbo, aro kema ka-bo.

Nang-ni jora ripengko dingtang ong-china drabo.

8. Nang-ni bi-a ka-anina kengnirango ka-mao on-sogominrangoniko basebo: (6)

Matnangani

Alaksi segipa

Tangka koros ka-rakgipa jikgipa

Aratani

Kristian nokdang

Damsan bi-rimani

Bildingbildang ong-ani aro mitchi mitchok dakani

Kema ka-ani gisik

Mikbuagrikani

9. **Nangchongmotgipa chanchiako dakanio chu-sokna. (2)**

Segipa aro jikgipani gisepo nanganirangko jakgitele agangrikna nanga.

Na-a nang-ni skako nang-ni segipa ba jikgipani kosako drana nanga.

Damsan bi-rime Isolko am-na nanga.

Nang-ni namnikako daknasan jotking dakna nanga.

10. **Obite niotangna namgipa niamde. (1)**

Bia ka-daldal jorako wate donanian ong-a.

Bia ka-daldal jorako uamang baksa dongchina draatna nanga.

Bia ka-daldal jorana uamang namnikoba namnikjaoba ku-pattianiko on-na miksongbo.

11. **Nang-ni segipa ba jikgipa kakket ong-jaode, nambatgipade: (1)**

Rang-san wate donangbo aro mamungsaloba re-bapilnabejok.

Nang-ni jora ripengo baditan "chu-sokgijani donga" uni gimin sakantinan bakbak agane onbo. Mana dipet kema ka-grikna aro nang-ni nokdangko ripingna sikbo.

12. **Gisiko chanchianirangko namedake nitimbo maina (2)**

Rongtalgija chanchianirang rongtalgija kamrangona dilanggen.

Nang-ni jikgipa ba segipa nang-ni chanchianirangko poraina man-a.

Ong-gija dake chanchiani nang-ni nokdangko namen saknaatgen.

13. **Anga angni nokdangko Isolni An-tangna chanchigijani, on-kangani, aro angna ka-saaniko teng-suchakna nangnika.**

Ong-a.

Ong-ja.

Kosako sing.anirangna bon.e aganchakbo!



Nang.ni bimung, email aro phone no. ko enroll ka.na gita gapatbo.

Nang.ni minggipin indin on.gipa Study guide-ko man.a gita "Submit" ingipao click ka.bo.

Nang.ni bimung :				
Nang.ni Email :				
Phone Number :				
Nang.ni Address :				
City, District :	State :	Country :		
Pin :	Bilsil :	Misi :		

Nang.ni contact info-ko tik dake on.bo